

II - ARABAKO LURRALDE HISTORIKOAREN TOKI ADMINISTRAZIOA

AMURRIOKO UDALA

Behin betiko onartzea udalaren 7. zerga ordenantzaren 10. eranskinaren aldaketa, eskaintzen diren udal ikastaroen tasa arautzen duenarena

Amurrioko Udalaren Musika Fundazioaren Zuzendaritza Batzordeak, 2016ko apirilaren 7ko bilkuran, eskaintzen diren udal ikastaroengatik ordaindu beharreko tasa arautzen duen 7 zerga-ordenantzaren 10. eranskinaren aldaketari (16085C22104 espedientea) behin-behineko onarpena eman zion, eta 43. zenbakiko ALHAOn (2016ko apirilaren 18koa) argitaratu zen erabakia. Erabaki horren aurka erreklamaziorik aurkeztu ez denez gero, erabaki hori behin betiko bihurtzen da, halaxe agintzen baitu martxoaren 5eko 2/2004 Legegintzako Errege Dekretuak, Toki ogasunak arautzen dituen Legearen testu bateratua onartzen duenak, 17.3 artikuluan. Horrela, bada, jendaurrean jartzen da, apirilaren 2ko 7/1985 Legeak 70.2 artikuluan eta aipatutako legegintzako errege dekretuak 17.4 artikuluan xedatutakoaren ondorioetarako. Zerga ordenantza hau ALHAOn argitaratu eta hurrengo egunean jarriko da indarrean. Hona hemen zerga ordenantzaren testu aldatua hitzez hitz:

**“Musika eskolengatik ordaindu beharreko tasak arautzen dituen
7 zenbakiko zerga ordenantzaren 10. eranskina”**

1. artikulua. Lege oinarria

Martxoaren 5eko 2/2004 Legegintzako Errege Dekretuak, toki ogasunak arautzen dituen legearen testu bateratua onartzen duenak, 20. artikuluan ezarritakoarekin bat etorritik, Amurrioko Udala Musika Eskolan musika eskolengatik ordaindu beharreko tasa ezarri da.

2. artikulua. Subjektu pasiboa

Musika ikasteagatik ordaindu beharreko tasa ordaintzera beharturik daude otsailaren 28ko Foru Arauak, Arabako zergei buruzko orokorrak, 35. artikuluan aipatzen dituen pertsona fisiko eta juridikoak eta erakundeak, baldin eta Amurrioko Udala Musika Eskolan izena ematen badute.

3. artikulua. Sortzapena

1. I., II., III. eta IV. mailatako zernahi ikasgaitan eta hautazko ikasgaietan izena ematen duten ikasleei kobratuko zaie matrikula tasa, eta ordaintzeko beharra matrikulatzen diren egun berean sortuko dute. Onartu egingo da ezeztatzea irailaren 15a baino lehen eskatu duten eta eskolara egun bat bera ere joan ez diren ikasleen matrikulak.

2. Musika eskolan izena lehenengoz ematen duten guztiek ordainduko dute espedientearen irekitze tasa, eta ordaintzeko beharra matrikulatzen diren egun berean sortuko dute.

3. Gainerako kontzeptuak ordaintzeko beharra matrikula egitean sortuko da. Irailtik ekainera (biak barne) kobratuko da, hamarrena hileko.

4. artikulua. Tarifak eta haien ordainketa

1. Ikasturtea hasi aurreko ekainean edo uztailean ordaindu ahal izango dira matrikularen eta espedientearen irekitzearen zenbatekoak, bankuan helbideratuta.

2. Gainerako tarifak hamar hilabeteetan, iraila eta ekaina bitartean, ordainduko dira hainbanatuta, bankuan helbideratuta, kontuan hartu gabe ikasleak zenbat egunetan joaten diren eskolara.

3. Tarifa hauek ezartzen dira:

1. Matrikula: 105,45 euro
2. Espedientea irekitzea: 34,52 euro
3. I. maila (5 eta 7 urte bitarteko ikasleak)

Ikasgaiak	Tarifa
3.1. Musika eta mugimendua	332,30 euro
3.2. Musika eta mugimendua, eta instrumenturako orientabidea	671,10 euro
3.3. Musika eta mugimendua, eta instrumentua	1.008,20 euro

4. II. maila (8 urtetik aurrera)

4.1. Hastapena:

Ikasgaiak	Tarifa
4.1.1. Instrumentua	663,70 euro
4.1.2. Musika hizkuntza (helduak)	332,30 euro
4.1.3. Musika hizkuntza	332,30 euro
4.1.4. Bakarleri kantua (**)	488,50 euro

4.2. 1., 2. eta 3. moduluak:

Ikasgaiak	Tarifa
4.2.1. Instrumentua	663,70 euro
4.2.2. Musika hizkuntza eta abesbatza	415,00 euro
4.2.3. Musika hizkuntza (helduak)	332,30 euro
4.2.4. Bakarleri kantua (**)	488,50 euro

4.4. 4. modula:

Ikasgaiak	Tarifa
4.4.1. Instrumentua eta hartan trebatzea	992,50 euro
4.4.2. Pianoa eta instrumentuan trebatzea	834,20 euro
4.4.3. Musika hizkuntza	332,30 euro
4.4.4. Instrumentua (helduak)	663,70 euro
4.4.5. Bakarleri kantua (**)	488,50 euro

4.5. 5. eta 6. moduluak:

Ikasgaiak	Tarifa
4.5.1. Instrumentua eta hartan trebatzea	992,50 euro
4.5.2. Pianoa eta instrumentuan trebatzea	834,20 euro
4.4.4. Instrumentua (helduak)	663,70 euro
4.4.5. Bakarleri kantua (**)	488,50 euro

5. III. maila

Ikasgaiak	Tarifa
5.1. Espezialitateko instrumentua eta talde trebakuntza	992,50 euro
5.2. Pianoa eta instrumentuan trebatzea	834,20 euro
5.3. Instrumentua (helduak)	663,70 euro
5.4. Bakarleri kantua (**)	488,50 euro

6. IV. maila

Ikasgaiak	Tarifa
6.1. Instrumentuan trebatzea	328,90 euro
6.2. Instrumentua	663,70 euro
6.3. Bakarleri kantua (**)	488,50 euro

7. Hautazkoak:

Ikasgaiak	Tarifa
7.1. Comboak. Instrumentu taldea	328,90 euro
7.2. Informatika musikan (14 urtetik gora)	332,30 euro
7.3. Haur abesbatza	166,80 euro
7.4. Musika modernoa	332,30 euro
7.5. Inprobisazioa	332,30 euro
7.6. Instrumentu osagarria	663,70 euro
7.9. Instrumentuan trebatzea	328,90 euro
7.10. Musika hizkuntza (helduak)	332,30 euro
7.11. Musika hizkuntza (*)	332,30 euro

8. Lantegiak:

Ikasgaiak	Tarifa
8.1. Ahots zurien abesbatza	166,80 euro

4. Aurreko paragrafoko tarifak direla eta, heldu izango dira hamahiru urte edo gehiago izan eta ondoko baldintzaren bat betetzen duten ikasleak:

- a) Musika eskolan lehenengoz matrikulatzen direnak eta aldezturik musikaririk ez dakitenak.
- b) Aurreko ikasturteetan "heldu"tzat jo direnak.

5. Musika hizkuntza (*) kontzeptua ondokoei aplikatuko zaie: musika hizkuntzako 4. modulua amaitu duten ikasleei, musika ikasketak egiten jarraitu nahi duten ikasleei, arauzko ikasketetan sartzeko probak prestatzen ari direnei

6. Bakarleri kantua (**) kontzeptua 18 urtetik gorako ikasleei aplikatuko zaie.

5. artikulua. Sortutako tarifak zati batean edo guztiz ezeztatzea

1. Matrikulatuei tarifak zati batean edo guztiz ezeztatu ahalko zaizkie, egoera hauetakoren bat gertatzen bada:

- a) Ikaslea edo guraso ahala duen guraso edo tutoretariko bat hiltzen bada.
- b) Ikasturtea hasi ondoren, ikaslearen familia unitatea beste udalerrri batera bizitzera joaten bada.
- c) Ikaslea edo guraso ahala duen guraso edo tutorea lanik gabe geratzen bada.
- d) Ikaslea hamabost egunez baino gehiagoz ospitaleratuta egon bada.
- e) Ikasleak ezin baditu bateragarri egin eskolak eskainitako ordutegia eta derrigorrezko bigarren hezkuntzaren ondokoaren eta goi mailako hezkuntzaren ordutegiak, eta/edo gerora, Amurriotik 100 kilometro baino gehiagora dagoen udalerriren bateko ikastetxe batean matrikulatzen bada hezkuntza maila horiek egiteko.

f) Istripu edo gaixotasunen bat izanez gero gerora. Eskaerarekin batera medikuaren ziurtagiria aurkeztuko da. Ziurtagiri horretan hau adieraziko da: ezeztatzeko eskatzen den ikasgaia ikasten aritzeko ikaslearen ezintasuna edo beste zernahi agiri, alegatutako ezintasuna egiaztatzen duena.

g) Matrikula egin eta gero gertatutako ezinbesteko zernahi kausa. Horrelakoetan, nahitaezkoa izango da zentroko zuzendaritzaren aldeko txostena eta onartua izango da, baldin eta, gutxienez, boto eskubidea duten legezko kideen hiru laurdenek aldeko botoa ematen badute.

2. Ezeztatu egingo da musika eskolara hilean egun bat bera ere joan ez den hileko eta hurrengoetako zati alikuota, baldin eta joan ez izanaren arrazoia tarifaren zati bat edo guztia ezeztatzea ahalbidetzen duen arrazoiren batengatik bada. Ez dira itzuliko matrikula eta espediente irekierarengatik ordaindutakoak.

3. Tarifak zati batean edo guztiz ezeztatzeko eskubidea Musika Eskolaren Zuzendaritza Batzordeak onartuko du, ofizioz edo interesdunak eskatuta.

6. artikulua. Hobariak

1. Tasaren ehuneko 23ko murrizketa egingo da ofizioz, baldin eta egiaztatzen bada ikaslearen familia unitateko kide guztiak udalerrian erroldatuta daudela. Hobaria guztiz edo zati batean aplikatu ahal izateko, ikaslea zein udalerritakoa den, bertako udalak Musika Fundazioarekin edo Amurrioko Udalarekin lankidetzako ekonomia hitzarmena izenpetuta izan behar du. Amurrioko Udalaren Musika Fundazioaren Zuzendaritza Batzordeak ezarriko du hobariaren ehunekoa, hitzarmena ikusita.

2. Aurreko paragrafoan araututako hobaria aplikatzearen ondoriozko kuotei ehuneko 50eko hobaria aplikatuko zaie, baldin eta ikasleak familia ugariak badira eta kide guztiak Amurrioko udalerrian erroldatuta badaude. Matrikula egitean egiaztatu beharko da familia ugariaren kide dela; horretarako, familia ugariaren titulua edo haren fotokopia konpultsatua aurkeztuko da.

7. artikulua. Ez ordaintzea

Tasa horien zorrak premiamendu bidez eskatuko dira.

Ikastaroa bukatuta, tasak ez ordaintzeagatik zorren bat dutenei ez zaie hurrengo ikasturterako egindako matrikula eskaera onartuko.

8. artikulua. Talde eskolen berezitasunak

Ikaslea edozein unetan matrikulatu daiteke taldeko ikasgaietan, nahiz eta ikasturtea hasita egon, eskolako zuzendaritzak ongi baderitza. Horrelakoetan, eskolen eta matrikularen tasa murriztu egingo da, ikasturtea hasi zenetik igarotako hil osoen zati proportzionalan.

9. artikulua. Baja onartzea, ordezkapena egonez gero

1. Sortutako tarifak guztiz edo zati batean ezeztatzeko eskubidea izango dute matrikulatuek, beste ikasle batek ordeztuz gero. Hala izanik, baja egiten duen ikasleak eskubidea izango du ikasturtea amaitu arte geratzen diren hil osoen zati proportzionala jasotzeko, beste ikaslea onartzen denetik aurrera. Espedientea irekitzeagatik eta matrikulagatik ordaindutako zenbatekoak ez dira itzuliko, ezta murriztu ere. Alta egiten duen ikasleari eskolen eta matrikularen tasa murriztuko zaio, ikasturtea hasi zenetik igarotako hil osoen zati proportzionalan.

2. Artikulu honetan adierazitako tarifak zati batean edo guztiz ezeztatzeko eskubidea Musika Eskolaren Zuzendaritza Batzordeak onartuko du, ofizioz edo interesdunak eskatuta.

10. artikulua. Kudeaketako beste arau batzuk

1. Behin matrikula eginda, eskainitako plazak kentzen badira jende gutxi matrikulatu delako, matrikularen eta espedientea irekitzearen tasen zenbatekoak automatikoki itzuliko dira, hau da, ikasleak ez du eskaerarik egin beharko.

2. Baja eskaerak Udalaren erregistro orokorrean aurkeztu behar dira.

AZKEN XEDAPENA

Musika eskolengatik ordaindu beharreko tasa arautzen duen 7.11 eranskina indarrean jarriko da ALHAOn argitaratu eta hurrengo egunean jarriko da indarrean, eta indarrean izango da harik eta aldatzea edo indargabetzea erabakitzen den arte.

Amurrio, 2016ko maiatzaren 25a

Lehendakaria

MONTSERRAT CANIVE ALDAMA